

QUÆSTIO MEDICO-CHIRURGICA,

QUOD LIBETARIIS DISPUTATIONIBUS

manè discutienda, in Scholis Medicorum, die Martis, vige-

simâ Aprilis anni M. DCC. XXXIV.

M. JACOBO TRANT, è Regiâ Scientiarum
Academiâ, Doctore Medico, Præside. autore.*An ad extrahendum è vesicâ calculum diversa pro re natâ debeat
usurpari Chirurgia?*

I.

CHIRURGIA, tertium Medici armamentarium, unde promit opportunum curandis morbis præsidium. Ut autem in ægri salutem vertatur Chirurgi manus, quot & quanta prospicienda sint, atque præcavenda, norunt illi, qui sciorum temeritatem cum peritorum artificum judicio conferunt, & facile dijudicant genuinos hos, spurios illos haberi debere Chirurgos atque appellari. Illud imprimis observandum, quod, si secandi se se necessitas obtulerit, probè explorandum sit priùs, quânam in parte, imò quonam in ejusdem partis loco secari expediat, quàm ad opus se Chirurgus accingat. Sic in apostematibus non modò partis affectu, sed & vicinarum & sæpè dissitarum ratio partium habetur. An non in paronychiâ humor aut refluus, aut æquo copiosius stagnans volam manus, carpum, brachium ipsùm aperiendum sæpè monet, & ferri crudelitatem cogit pensitescere? Quis nescit in thoracis paracenthesi locum nunc hunc, nunc illum secare oportere? Quid quod vel in ipsâ, quæ quotidie celebratur, phlebotomiâ non levis esse momenti intelligitur, quis detrahendi sanguinis locus potissimum eligatur. Sic mulieris gravidæ saphenam, quemadmodum rarè aperiri convenit, ita quandoque expedit. Penes igitur Medicum esto occasionem arripere & aperiendi locum indigitare. Quod si morbos capitis ritè perpenderit, dices hoc in cranii loco, quàm in illo potiùs adhibendam esse terebram. Est illud ab antiquis observatum, à recentioribus Medicis observatione diu multumque iteratâ perspectum, quod in ipso crure, si qua sectio fieri debere indicetur, non solum interdum ex affectu à morbo primùm musculis, verùm etiam è sedibus remotioribus mali fomitem esse subtrahendum. Dicit fortasse quispiam, an non parti primùm morbo conflictatæ Chirurgi manus debet etiam primùm admoveri. Respondemus. Admoveatur primùm, si visum Medico fuerit: Verùm cum humani corporis textura deprehenditur esse ea, quæ, ut per se varia est, sic diversimodè tractari exigit; non mirum igitur si pro re natâ Medicus imperaverit, quod & in artis medicæ gloriam & in famam artificum, & in generis humani salutem possit redundare; ex his, quæ superius enumeravimus Chirurgiæ exemplis, liquiddò constat Chirurgiam debere nunc hoc, nunc illo factitari modo; quod sicubi locum habet, præsertim in calculo è vesicâ extrahendo.

II.

CALCULUS hominum carnifex, renibus plerumque generatus, vel à solidorum vel à fluidorum vel ab utroque vitio, per tubulos, quos Anatomicis nuncupare placuit uretheres, in vesicam delabitur. Debetur præ cæteris Fernelio nostro calculi in renibus generandi mechanismus atque ratio, si causâ spectetur interna: externa cum necdum ipsi satis innotuit; nec hodie non innotescat, sic ut in sui saltem suspensionem inducat, sive proficiscatur à globulo plumbeo, sive à stupâ, Chirurgi incuriâ in cathetere relicta, sive à sagittâ vel ab aliâ quâvis causâ, quam hactenus

nec bellum, nec pax hominum Medicorum oculis dedit esse perspicendam. Afferimus vesicæ incidendæ locum, tum à sexu desumendum, tum à prægressis præsentibusque morbis eligendum, tum à pinguedine maciæ colligendum, tum à calculi vesicam opprimentis mole atque figurâ designandum. Audire mihi videor, qui se arguant. Idem morbus eadem est tractandus methodo. Non diffitemur, modò methodus pro secandi loco non præposterè sumatur. Cum autem hic de sectione ad extrahendum è vesicâ calculum loquimur, nullus sanæ mentis à nobis intelligi velit sectionem eam cujus ope atque beneficio perperam credamus, extracto è vesicâ calculo, præsentem ægto medelam afferri; multa siquidem prohibent, ne sectio ad calculum omnino instituat. Quis etenim economiæ animalis iudex haud imperitus, qui hominî, quem antiqui silycernium nuncuparunt, annis obfeto eam adhibendam esse imperaverit Chirurgiam, cujus opem non aliter sentiat, quàm deperditi sanguinis inopiâ, & vitæ proindè dispendio? Quis in febris malignis, pestilentialibus; quis in variolis confluentibus febre stipatis, quis in lue venerea in eum grassatâ modum, unde vitæ præsens impendit periculum, eam monuerit Chirurgiam, quæ morbi ferocioris augendo ferociam, nihil præter mortem creet? Idem esse de plurimis aliis casibus iudicium, in quibus à vesicâ ferrum arceri pro re natâ omnino necessarium est. Verum cum id unum hic quaeratur, an adjunctarum rerum varietas variam possulet vesicæ sectionem? Patet secari quidem oportere, sed locum secandi præsertim eligi debere.

I I I.

VESICA in hypogastrio sita, fundo sursùm plerumque expanso, corpore extensili & collo coagmentatur; sic tamen ut figuram, diametrumque mutando in urethræ parietes inferius abeat atque ad penis extremum usque protrahatur. Vesica è fibrarum muscularium parùm ordinatâ serie, exque tendinosarum stricto satis firmoque compingitur ordine. Haud procul à vesicæ collo vesicam ingrediuntur urethres duo renibus oriundi. Urinam hi, & cum urinâ calculi rudimentum in vesicam devehunt. Rudimentum verò illud quid esse quispiam suspicetur præter calculum ipsum, cujus nondum satis auctâ mole vesicæ collum nec comprimitur satis, ut ponderis incumbens sentiri possit dolor, nec interim excernendæ præpediatur effluxus urinæ. Nam cum & calculi pondus iam grandioris facti vesicæ collo innixi non levem corporis partibus inferioribus inferat molestiam, quantò maiorem non inferioribus modò, sed superioribus corporis regionibus retentæ præter naturam urinæ noxam creabit exuberantia. 1^o. Motus urinæ à renibus ad vesicam affluxuræ retardatur, undè gravissima consequuntur incommoda, quod præsentis instituti non est, ut fusus strictiusque excuriamus. 2^o. Calculo tum pondere, tum figurâ naturæ conamen ad urinæ excretionem prohibente, quid non impendit mali? Hinc Chirurgiæ necessitas, ea tamen, quæ Medici iudicio debeat obtemperare. Incidendæ vesicæ locum quartis? De hoc loco non tam disputaverunt fuscè, quàm garriuerunt ineptè Chirurgi quidam, qui chartæ parcere noluerunt. Judicantur hi vesicam in fundo; existimant illi in collo; propugnant cæteri in perinæo ad scroti latus sectionem esse persciendam. Ex hoc fonte quor libri, dicam, an satyræ emerferunt? Est enim, qui sectionem suprâ pubem suadeat, suadente primùm nec tamen persuadente Parisensi Medico: est, qui vesicæ collium aperiiri sic monet, ut si non brevior, at saltem tutior sit curatio. Cæteri, hæc præsertim in regione sic argumentantur. Ad scroti latus, in perinæo facta sectio multos à morbo, si quis est, periculosissimo liberavit. Quid indè? tacent enim quinquam hæc Chirurgiæ speciem pericriri. Affirmant alii factam suprâ pubem sectionem pro salutis anchorâ haberi debere. Quid indè, nisi ex hæc demonstrant Chirurgiâ vel nullos vel paucissimos homines interiisse. Docet post Galliam Anglia, vesicæ collum esse præ cæteris partibus incidendum. Quid indè, si non satis superque pateat hoc Chirurgiæ genus aliquandò esse noxium, etiam si generi humano sæpissimè saluberrimum esse comperiatur.

I V.

SUPRA pubem vesicæ fundus hoc secatur modo. Apertâ primùm cute in lineâ, quam albam vocant, inter musculos pyramidales, si qui sunt, ad osium pubis commissuram sit incisio; dein vesicæ fundus scinditur, ex aperto denique loco calcu-

lus five manu educitur, five ferro aliove quovis instrumento extrahitur. Hoc cum rectè fieri contingit, mirum quantum inde redundet utilitatis. Sed si fuerit omafo plus æquo distentum abdomen, quæ spes operis feliciter exequendi? si vesicæ fundus supra ossa pubis non promineat, si formetur in angulum, quasi trianguli, nec ciculi segmentum repræsentet, an non irritò, & periculoso conatu Chirurgi manus admoveretur? Si denique intersectæ duas inter peritonei laminas glandulæ, eam duritiem molemq; naçtæ, ut sæpe fit, quam morbum per se curatū difficillimum nemo non judicaverit, à suscipiendo opere prohibuerint, an hanc Chirurgiæ speciem usurpaveris? Accedit & illud, quòd si injecto quovis liquore vesicæ parietes præter modum distendantur, periculum est, ne aut disrumpantur, aut tonum sic amittant, ut ad urinæ excretionem parum idonei sint futuri. Cautus igitur esto in eligendo & injiciendo liquore; virium habeatur ratio, vesicæ firmitudo debilitasve probè explorentur, vesica denique ipsa non subitò, sed pederentim extensioni sui paulatimque assuescat. Vides quot scyllæ, quot charybdes in hoc opere sint vitandæ. Nec sua non etiam habet incommoda encheiresis illa, quæ vesicæ collum inciditur. Operationem vocant lateralem. Nam ut peragatur, musculi secantur, qui si crassiores sunt, & succo, quam par est, turgidiores, quid à sectione factâ perumque expectandum? inflammatio, febris, copiosissima suppuratio; undè morbus diuturnior, & curatio proinde difficilior, quòd in ejusmodi casibus aëris mutationes, error in diætâ, agrorum hominum diù lecti non patiens inquietudo, Chirurgi spem eludunt. Omitto Chirurgi manus in alium, quam in eum, quò tendit scopum, funesto eventu sæpius aut impelli, aut deflecti, quod etiam in encheiresi supra pubem accidisse observatum est. Ad scroti latus in perinæo sectio suos patitur manes, suis quandòque stipatur vitis, undè mors consequitur. Quis enim pœsit utethræ bulbum in hac Chirurgiâ incidi. Quis ignorat musculos tum erectores, tum acceleratores ab impactò semel ferro irritari. Hinc prorum est intelligi, etiamsi vulneris orificium, extrahendo calculo destinatum, satis amplum patensque à Chirurgo fiat; tamen musculorum irritatorum constrictione minui, atque coarctari. Quòd si iusto grandior, aut asper angulosusve fuerit calculus, quis incisio perinæo aëri salutem non maximè periclitari affirmabit? hinc exiturus calculus ex ostio, nunc minori ac proinde contundendo, nunc pari sed dilacerando, numquid non in vulneris labia sic impetir, ut exilissimorum vasorum extrema hiare cogat, & contentum in eorum cavo succum quaquaversum profundere. Quid inde nascatur mali, lippis, ut aiunt, & tonsoribus haud est incognitum. Est & illud animadvertendum, quòd si vulneris ostium nec extrahendo calculo, mole grandiori, facilem sternat viam; & forcipis ab imperitâ manu sæpius intromissi huc illuc temeraria jactatio eandem ferè labem vulneri infligat, quam prodeuntis calculi auctior intulisset magnitudo; inflammationem accersit, gangrænâ invitari, non-nisi morte terminandam. Ponamus adhuc quempiam non-solum calculo, sed etiam scorbutò laborare; fingamus animo aliquem bubone venereo, & sæxæ scroti duritiæ conflictatum; intueamur fœminam tum insantis quærentis exitum, tum calculi sui postulantis extractionem, duplici pondere gravatam. Quis æquus rei Medicæ æstimator, his in casibus, urethræ bulbum, per sectionem à scroti latere in perinæo, proscindi non prohibebit?

V.

ERUNT, qui clamitent, nullam ergò vis extrahendi calculi encheiresin institui, cum undique majus imminet periculi, quam spes alicubi sanationis affulget? absit: Nulla non encheiresis institui, nulla non Chirurgia debet in usum vocari, quam & ratio suadet, & experientia non temerè repetita usurpandam esse persuadet. Quid igitur est, quomobrem omnes Chirurgiæ species nullo discrimine habueris, vel hanc illi non anteposueris? Respondemus: facit vesica, faciunt ambientes vesicam partes, faciunt perstantes adhuc in vicinis locis morbi reliquæ; facit denique calculi moles aut figura, ut nunc supra pubem in vesicæ fundo, nunc in collo, nunc in perinæo sectionem ad calculum fieri necessum esse quivis nec Anatomia rudis, nec morborum imperitus certò pronuntiaverit. Vesicas enim alias esse præ aliis

fortes, esse præ aliis flexiles, & expandi dociles, certissimum esseprehenditur. Hujusmodi vesicæ quories inveneris, supra pubem secari jube; nisi aut omentum justo pinguis, aut morbus alius vel ipso rruculentior calculo, à suscipiendo deterrear opere. Silemus enim ea, quæ perspecta saris à Medico atque explorata, Chirurgi ferrum à vesicâ monent amoveri, ut properantis lethi gradus possit aliquatenus rerardari. Calculus igitur mole maximus hæc detrahitur viâ; calculus angulis, iisque acutis asper ex hoc educitur exiru. Quid de gravidarum mulierum, partui jam proximarum, forte censebis? an operario, quam lateralem appellant, an autem ea, quæ magni apparatus nomine perficitur adhiberi debeat, à quovis quare corporis humani mechanices haud ignaro: negabit statim in inferioribus vesicæ partibus sectionem esse molliendam. Jam ad vesicæ collum progrediamur. Est ubi sectio supra pubem non debet institui, quod vesicæ fundus nec naturâ, nec etiam arte supra ossa pubis extuberet, cum iterum nec in vicinis, nec in ambientibus locis quidpiam impediât, quominus hæc Chirurgia feliciter cedat. Est ubi vesicæ fundus in conum definit formamve triangularem. In primo casu nihil aggrediendum, in altero nihil expectandum boni à ferri acie, nonnisi vicinas partes læsura. Vesicæ collum igitur secetur, hæc ramen lege, ut incidendi, antequàm ad vesicæ collum deveniatur, musculi non sint aquo crassiores; utque in prostaticis, atque adeo in vesicæ collo nullum superest vitium, à quibusvis prægressis morbis oriundum. Hoc operandi genus inchoavit Gallia, Batavia perfecit, Anglia demùm non sine felici successu absolvit. Vidit Academia Parisiensis quàmplurimos hujus beneficio Chirurgiæ, pristinae valetudini restitutos. Stupuit quorundam hominum invidiam, qui probro vertissent Chirurgo, si quis est, peritissimo, quod à latere cum secuisset, semel iterumque mors esset consecuta. Calumniam refellerunt cadavera. Quod spectat bulbi sectionem ad calculum, Gallia debetur, undè in ultimas terrarum oras salubriter est propagata. Est hæc Chirurgiæ species ea, quæ numerum hominum eripuit ex orci faucibus vix numerabilem, sua namquæ habet commoda, cum ab alienis sit incommodis immunis. Non hic crassiores secantur musculi: non merus est, ne cavum abdominis cœcâ Chirurgi manu lacinietur in ægri perniciem, & artificis opprobrium. Erit fortè, qui objiciat, mirum accidere, quod, salvis ægri rebus, ex bulbi foramine grandior extrahatur calculus, minore verò extracto calculo, miserè pereat. Hoc quoties accidit, sectoris potius inscitia, quàm Attri impurandum.

Ergò ad extrahendum è vesicâ calculum diversa pro re natâ debet usurpari Chirurgia.

DOMINI DOCTORES DISPUTATURI.

M. Michael - Ludovicus M. Michael Peaget.
Vernage.

M. Nicolaus Andry, antiquus Facultatis Decanus, Lector Regius & Rei Herbaria Professor.

M. Joannes - Franciscus M. Nicolaus le Tellier.
Leaulté, Chirurgia Gallico idiomate Professor designatus.

M. Philippus Hezquet, antiquus Facultatis Decanus.

M. Jacobus-Antonius Millet, Pharmacia Professor.
M. Petrus Afforty.

M. Joannes-Baptista Chomel, Medicus Regis ordinarius, & Regiâ Scientiarum Academiâ Veterinus.

Proponebat Parisiis HENRICUS - FRANCISCUS
BOURDELIN, Parisiensis, Baccalaureus Medicus,
A. R. S. H. 1734. à sextâ ad meridiem.